

[Tasoncom S.R.L. v. the Republic of Moldova \(broj 59627/15\), 22.10.2024.](#)

Povreda člana 6. Ek

Povreda člana 1. Protokola broj 1 uz Ek

Podnosilac predstavke je, Tasoncom S.R.L., društvo s ograničenom odgovornošću sa sjedištem u Orheju.

Predmet se odnosi na dva postupka, porezni i krivični, protiv podnosioca predstavke u vezi sa istim pravnim pitanjem. U poreznom postupku podnosiocu predstavke su izrečene sankcije a u krivičnom postupku je na kraju oslobođen. Nakon te oslobađajuće presude podnosilac predstavke je tražio reviziju rješenja u poreznom postupku, ali je njegov zahtjev odbijen.

Podnosilac predstavke je pred Evropskim sudom tvrdio da je odluka da mu se nametnu porezne kazne isključivo temeljila na osudi u krivičnom postupku, ali nakon što je pravosnažno oslobođen u tom postupku ta odluka više nije bila utemeljena. U vezi s tim, poziva se na član 6. stav 1. (pravo na pravično suđenje) Evropske konvencije, tvrdeći da je odbijanje ponovnog otvaranja poreznog postupka nije bio propisno obrazložen, što je po njegovu mišljenju prekršilo načelo pravne sigurnosti. Podnosilac predstavke se također pozvao na povredu člana 1. Protokola br. 1 (zaštita imovine).

[Eckert v. France \(broj. 56270/21\), 24.10.2024.](#)

Nema povrede člana 11. Ek

Podnositeljica predstavke je Myriam Eckert, francuska državljanka.

Predmet se odnosi na krivičnu osudu podnositeljice predstavke za sudjelovanje u demonstracijama pod nazivom "žuti prsluci", demonstracije koje su bile zakazane u subotu 11. maja 2019. a koje je zabranio prefekt Gironde.

Pozivajući se na čl. 10. (sloboda izražavanja) i 11. (sloboda okupljanja i udruživanja), podnositeljica predstavke smatra da su njenom krivičnom osudom za sudjelovanje u zabranjenim demonstracijama povrijeđena prava na slobodu izražavanja i slobodu mirnog okupljanja.